

¡BOMBA!

Ante caballada flaca,
ahora será prioridad:
¡No, a doble nacionalidad!,
menos Cabeza de Vaca



k'uintsil

U edicionil fin de semana, viernes 28 tak domingo 30 ti' u ja'abil 2026

CAMPECHE · YUCATÁN · QUINTANA ROO · AÑO 12 · NÚMERO 2799 · www.lajornadamaya.mx

XCHIWOL

MA' JACH YA'AB BA'AL OJÉELA'AN
YÓOK'OLAL TU LU'UMIL MÉXICOI'

OOCHEL PEDRO D YUIT

ESPECIAL: FAUNA NUESTRA /
MIGUEL AMÉNDOLA / P 38 YÉETEL 39

Xchiwol (*Brachypelma epicureanum*, yaan k'iin k'ajóolta'an xan beey Tliltocatl *epicureanus*) juntúul ba'alché' suuka'an u yila'al ba'alé' ma' jach k'ajóolta'an tu noj lu'umil Méxicoí'. Kaja'an tu k'áaxil u xamanil u Petenil Yucatán, ts'ooke' kex tumen jach k'a'anan ti'al kuxtale', ma' táan u jach pakta'al tumen científico meyaj ku beeta'al.

U mootsé' u machmubáaj ti' u Petenil Yucatán; ku yila'al leti' tumen u boonil boox chak, ts'ooke' u tso'otso'ob tu nak'e' chaktak.

"Tliltocatl *epicureanus* juntúul k'a'anan xchiwol yóok'olal tu'ux ku kajtal yéetel tumen ku yantal tu xamanil u Petenil Yucatán", tu ya'alaj jbiólogo José Rogelio Cedeño Vázquez, jxaak'al meyaj ti' u kúuchil El Colegio de la Frontera Sur, Unidad Chetumal.

U ya'abile' ku yila'al tu xamanil Yucatán yéetel Quintana Roo, tu'ux ku múul yantal yéetel u jeel Tliltocatl vagans, xchiwol óoli' jach je'ex le yáaxo', le beetik ku k'as talamtal u séeb k'ajóolta'al.

Tu ja'abil 1925 ka yáax ts'íibta'ab u k'aaba' yóok'olal tumen Ralph Chamberlin, ba'alé' ts'ook u k'e'exel u k'aaba' wa jaytéene', úuchik u bin u beeta'al xan xaak'alo'ob yóok'olal. Walkila' k'ajóolta'an ti' yaan ichil u jaatsil Tliltocatl, junmúuch' mexicoil xchiwol booxtak yéetel mina'an u chakil je'el bix le uláak'o'obo'.

U xch'uupul chiwole' ku maas nojochtal ti' u xiibil tumen ku p'isik tak ukp'éel cms u chowakil, yéetel tumen tu nak'e' yaan u chak k'aank'an k'aan. U xiibile', maas mu'uk'a'antak yéetel chichantak, mina'an u chakil ba'alé' yaan u xna'at'ulo'ob tu yáax t'ool u k'abo'ob. Suuka'ane', kéen káajak u k'iinilo'ob ja'ajalile', leti' kéen jo'op'ok u kaxtik ka yanak u mejenil.

Ku péek de áak'ab; de k'iine' ku ta'akikubáaj. U ti'al le je'elo' ku páanik lu'um. U ts'aake' ku k'a'abéetkunsik ti'al u xu'ulul u péek ba'ax ku chí'ik, ba'alé' ma' sajbe'entsil ti'al wiiniki'. Ku jaantik mejen ik'elo'ob.

